

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

Capvt XXXII.

urn:nbn:de:hbz:466:1-15617

cilegij Dacheriani pag. 147. & postea in appendice libri de Primitibus titulo XIV.

CITERIORIS BRITANNIAE.] Mirum est quod heis dicitur, Turonensi metropoli factam esse in Synodo Claromontana restituitionem citerioris Britanniae. Nam ea suum Archiepiscopum per multum a vi habuit post hanc synodum, ut adnotatum est in capite XLVI. libri quinti, qua de re nos plura. Deo juvante, dicimus ad Hildebertum. Sed multa per eas tempestates decernebantur in synodis quorum usus non adeo facile obtinebat. Exemplis vel unicus hic canon Claromontanus. Tametli enim Urbanus provinciam Senonensem subjecisset Lugdunensi, sero id observatum fuit. Quoad vero Britaniam, iam ostendimus sub Innocentio demum tertio eam ad officium rediisse. Et apud Beslyum in Probationibus historie Comitum Picťvensium pag. 414. extant acta quædam, data recente post Concilium Claromontanum, anno nimirum MDCVI. Indictione IV. v. i. Non. Martij, quibus subscrigit Rollandus Dolensis Archiepiscopus.

ITEM ALII CANONES CONCILII CLAROMONTANI.

Ex veteri codice MS. illustrissimi viri PETRI DE MARCA Archiepiscopi Parisiensis.

VRBANVS II. IN CONCILIO CLARIMONTIS. Ea que à sanctis patribus de simoniaci statuta sunt, nos quoque sancti Spiritus iudicio & apostolica auctoritate firmamus. Quidquid igitur in sacris ordinibus, vel in ecclesiasticis rebus, vel data vel promissa pecunia adquisitum est, nos irrumus esse nullasque vires obtinere censum. Si qui tamen à simoniaci non simoniaci ordinati sunt, sequuntur probare potuerint se, cum ordinarentur, eos nescire simoniacos, & si tunc pro catholicis habeantur in Ecclesia, talium ordinationes misericorditer sustinemus, si tamen laudabilis eos vita commendat. Qui vero scienter se à simoniaci consecrari imo exercitari permiserint vel passi sunt, eorum consecrationem omnino irritam esse decernimus.

Quicunque sive cupiditate parentum, cum adhuc parvuli essent, Ecclesias vel Ecclesiarum beneficia per pecunias adepti sunt, postquam eas omnino dimiserint, si canonice in eis vivere voluerint, pro misericordia ibidem eos esse concedimus, neque pro hoc facto à sacris ordinibus removemus, si alias digni inveniuntur.

Illi vero qui per se ipsos, cum jam majoris essent aetatis, nefanda cupiditate duci, eas emerint, si in aliis Ecclesiis canonice vivere voluerint, servatis propriis ordinibus pro magna misericordia inibi eos ministrare permittimus. Quod si ad alias fortasse transferri non poterint, & in eisdem canonice vivere promiserint, minoribus ordinibus contenti, ad sacros ordines non accedant. Salva tamen in omnibus apostolica sedis auctoritate. Si qui tamen ante emptiōnem catholicis ordinati sunt, cum ea que emerint dimiserint, & vitam canonicam egerint, in suis gradibus permittantur; nisi forte eismodi Ecclesia sit ut ibi primum locum debeant obtinere. Primum enim vel singularem vel preposituram vel officium locum in emptis Ecclesiis eos habere non patimur.

ET INFRA. Quamvis autem misericordia
Tom. II.

intuitu, magnaque necessitate urgente, haec in sacris ordinibus dispensationem constituerimus, nullum tamen prajudicium sacris canonibus fieri volumus; sed obtineant proprium robur, & cessante necessitate, illud quoque cest quod factum est pro necessitate.

ITEM. Illud quoque precipimus, ut pro christiane, & baptismo, & sepultura, nihil unquam exigitur.

ITEM POST ALIA. Illud summi opere & apostolica auctoritatis privilegio prohibentes, ut nullus in clericali ordine constitutus, nullusque monachus, episcopus aut abbas aut cuiuslibet ecclesiastica dignitatis investituram de manu laici suscipere audeat. Quod si presumperit, depositione multetur.

NOTAE.

Hic canones maxima ex parte sumptum ex Concilio Placentino, quod præterito mense Martio Urbanus celebraverat in Longobardia. Repetiti autem fuerunt in hoc Concilio Claromontano; ut fidem facit, præter canones Anianenses supra descriptos, Bertholdus Constantiensis in Chronico: In hac Synodo (Claromontana) Dominus Papa eadem statuta que & in præterita Synodo Placentina confirmavit.

Quinam autem Episcopi & Cardinales huic Concilio interfuerint, longum esset recensere, neque facile numerus eorum iniiri potest. Illustriores nominant monachi Majoris-monasterij Turonensis in sua Narratione; de qua mentio facta est in capite XLVI. libri quinti.

CAPUT XXXII.

Synopsis.

I. De convocatione Conciliorum regiorum. Enumeratio eorum quæ supra dicta sunt.

II. Reges semper retinuerunt convocationem horum Conciliorum. Varia eorum nomina. Curia, Parliamentum, &c.

III. Conventus habiti propter res ecclesiasticas sub tertia Regum nostrorum dynastia non condebant canones. Ratio hujus instituti investigatur. Mansit tamen sua auctoritas Concilii regis. Probatur ex Glabro.

IV. Item ex Sugerio. Religiosi viri apud Sugerium, & religiosi laici apud Glabrum. Probatur etiam ex auctore vite sancti Bernardi, & ex Arnulpho Lexoviensi.

I. **N**UNC inspiciendum est tertium caput observationum quas proposuimus in capite superiori, convocatione nimirum synodorum regiarum. Iam antea monimus eas fuisse distinctas ab ecclesiasticis, ex eo capite, quodista de causis singularibus cognoscabant, Concilia vero regia causas generales tractabant, quæ pertinent ad disciplinam & politiam Ecclesie & Reipublicæ; adeo ut si quæpiam synodus ecclesiastica novos canones condidisset, non anterati erant quam in Concilio examinati & à Principe confirmati fuissent. Adnotavimus

Oo

suprà eum fuisse morem sub Pippino Rege, Carolo Magno, Ludovico Pio, & Carolo Calvo. Tum etiam observavimus ea Concilia constitisse, non solum ex Episcopis & Abbatibus, sed etiam ex Comitibus & proceribus regni ac regiis Consiliariis. Hi vero examinabant quicquid ad politiam ecclesiasticam pertinebat, Regique significabant quænam modificationes adhibenda essent rebus circa eam constitutis.

II. Quamvis Legati in se traxissent curam convocandorum Conciliorum ecclesiasticorum, eorumque inutilitas pervicisset ut prorsus omitterentur in regno, Reges tamen prorsus retinuerunt convocationem Conciliorum regiorum, quorum per illas tempestates valida fuit auctoritas. In secunda dynastia vocabantur *Synodus, Conventus, Concilium, Placitum, & Colloquium*; in tertia vero, *Curia, Conventus, Concilium generale regni* apud Rigordum, & *Parlementum*. Hinc marus locum ad quem Episcopi conveniebant, *Curiam* vocat. Ivo autem multoties id nomen tribuit conventui agi solito in Natali Domini, aut in Paschate, cui Episcopi & proceres regni intererant; ut in epistola C L V I I I. Commonitorias literas mittatis Archiepiscopis & Episcopis ad Curiam que habenda est in Natali Domini Sueffionis. Sugerius vero interpretans vocem *Colloquium*, quæ Latina est, eum conventum recepto tum Gallico vocabulo *Parlementum* vocat. *Magnum Parlementum congregavit*, inquit de Rege Ludovico juniore loquens, *Ibi Archiepiscopi, Episcopi, & Abbates, & magna pars Baronum Francie convenerunt*. Vtrumque nomen conjungit Abbas Urspergenis, ut conventus hujuscemodi significet, *Curiale Colloquium*. Eo exemplo, Franci conventus generales nominaverunt Curias Parlamenti, quod nomen retinueruere corpora eorum judicum qui vice sacrae judicant.

III. Ad probandum autem jus quod Regibus competit in convocandis Concilii regis, neque major neque illustrior auctoritas adferri potest quam ea quæ extat apud Abbatem Sugerium, qui tum summae rerum prærat apud Gallos, pari auctoritate & gratia vigens apud Summos Pontifices & Reges Francorum. Hic ergo in vita Ludovici Iunioris ait Regem illum, post ductam Burdegalæ anno millesimo centesimo trigesimo septimo in matrimonium Eleonoram Aquitanæ Ducissam, audita patris morte, Lutetiam remeasse: *quæ est*, inquit, *regni caput, & sedes regia; ubi solent Reges antiquitus conventum Prelatorum & Principum (id est, magnatum regni) evocare ad tractandum super statu Ecclesie, & de regni negotiis ordinan-*

dum. Perillas vero tempestates hi qui conveniebant ad tractandum de rebus ecclesiasticis, nullos canones, nulla edebant statuta, procul à moribus synodorum quæ sub prima & secunda Regum nostrorum dynastia celebratae sunt. Ea immutatio ex eo profecta est, quod cum innumeris canones jam conditi essent, necessarium non erat ut novi considerentur; tum etiam ex eo quod Summi Pontifices, qui antea solebant synodis provinciarum hanc curam relinquere, nondum recepto ut canones ederentur in Concilis Romanis, eam auctoritatem ad se traxerunt, editio ut Legati ad sedem apostolicam dimitterent cognitionem caulfarum. Constat quidem hoc agendi modo ademptum non fuisse Concilii regiis jus edendorum statutorum, neque Regibus auctoritatem ea confirmandi. Tamen nusquam invenimus id à quoquam per ea tempora usurpatum. Satis esse existimabunt si fidem & antiquam disciplinam intemeratam præstarent adversus novitates quas nonnulli conabantur introducere in detrimentum vetustorum canonum. Exempli causa, cum Robertus Rex anno decimo & septimo supra millesimum admonitus fuisset a Richardo Comite Aurelianensi in ea urbe graffari hæresim quan- dam novorum Manichæorum, eò accessit, habitoque regio conventu Episcoporum, Abbarum, illustriorumque ac religiosorum laicorum, inquiri jussit quinam hujus impietatis autores fautorésse essent. Cum autem compertum fuisset duos viros præcipios è clero, Heribertum videlicet, & Lisoium, capita esse hujus sectæ; cum frustra admoniti fuissent ut insanam illam opinionem deponderent, Rex ex sententia omnium laicorum, eos igne cremari jussit; ut testatur Roldulphus Glaber, hujus temporis scriptor: *Quantocutus Aurelianis properans, convocatis plurimi Episcopis & Abbaribus, ac religiosis qui- busque laicis, acerrimè caput perscrutari qui essent autores hujus perversi dogmati.* ----- *Dictum est eis quoniam nisi celerius ad sanam fidem mentem redeant, Regis jussu, & universæ plebis consensu, igne essent protinus crematuri.* Necesse autem non erat ut Romanae sedis sententia expectaretur, tametsi de hæresi ageretur; quoniam nova non erat, aut dubia, sed vetus hæresis, jam olim aperte damnata in veteribus Conciliis.


IV. At in schismate quod in Ecclesia Romana emersit inter Innocentium secundum Papam & Petrum Leonis anno millesimo centesimo trigesimo, Rex Francorum Ludovicus, edoceri cupiens utrius communionem amplecti deberet, Concilium regium convocavit apud Stamps; ubi congregavit Archi-

Sugerius in Gesu
Ludovici VII.
cap. II.

episcopos, Episcopos, Abbates, & alios viros religiosos, id est, laicos. Electi virtutes potius examinatae sunt quam ipsa electio. Nam quamvis major eligentium pars in Petrum Leonis inclinasset, Rex tamen, ex sententia Ecclesiae Gallicanæ, Innocentio adhaesit, qui & propriis virtutibus juvabatur & eorum meritis à quibus electus erat. Regem porrò convocasse hoc Concilium testatur his verbis Sugerius: *Quo Rex, ut erat piissimus Ecclesie defensor, citio compunctus, Concilium Archicoporum, Episcoporum, Abbatum, & religiosorum virorum, Stamps convocat; & eorum consilio magis de persona quam de electione investigans &c.* Existimandum autem non est magnates regni non interfuerint huic conventui. Nam preterquam quod verba illa Sugerij, & religiosorum virorum, id satis restantur, (juxta modum loquendi à Glabro usurpatum, qui religiosos laicos vocat proceres qui Roberti Regis iussu convenerunt apud urbem Aurelianensem) extat etiam dilata ejus rei probatio apud Bernardum Abbatem Bonaventilis. Narrat ille, in libro secundo de vita sancti Bernardi Claravallensis Abbatis, sanctum illum ad Concilium illud fuisse evocatum, Regem autem, Episcopos, & proceres communis consilio integrum hoc negotium ejus judicio prorsus permisisse. Vnde pater magnates regni ei Concilio interfuerint. *Vbi vero ad locum ventum est, inquit, celebrato prius jejunio, & precibus ad Deum fisis, cum de eodem verbo tractatur Rex & Episcopi cum Principibus confidissent, unum omnium consilium fuit, una sententia, ut negotium Dei famulo imponeretur, & ex ore ejus tota causa penderet.*

ADDITIO
STEPHANI BALUZII.

ILLUSTRE est in eam rem testimonium Arnulphi Sagiensis Archidiaconi, tum temporis adversus Gerardum Episcopum Engolismensem Petri Leonis in Aquitania Legatum scribentis. Ait ergo Arnulphus in capite quinto: *Nuntiato in Gallia schismate, dum pro partibus vario favore multi multa loquuntur, sed quisque populus alicuius raptatur errore, primus Regum catholicus Princeps Rex Francorum Ludovicus occurrit. Is vocatis Episcopis, & omnibus qui probante religionis in Gallia habebantur, convocato etiam clero regnique majoribus, Concilium statuit generale. Tractatus ille Arnulphi Sagiensis Archidiaconi, qui dein antistes Lexoviensis fuit, editus est ab amicissimo viro Domno Luca Dacherio monacho Benedictino in tomo secundo Spicilegij veterum scriptorum pag. 336.*



Tom. II.

CAPVT XXXIII.

Synopsis.

I. Conciliorum regiorum præcipua cura erat, videre ne quid detimenti caperent antiqua Regis & Ecclesie Gallicane jura. Procerum praesentia justam Episcopis causam subministrabat qua se apud Summum Pontificem excusarent, si recederent ab institutis Curia Romana. Probatur ex Ivone Carnotensi. Episcopi homagium Regi præstare coacti; quanquam aliud statuerint Romani Pontifices.

II. Probatur item ex literis à clero Gallico ad Bonifacium octavum scriptis. Ex iis colliguntur, non solum Episcopos, sed etiam laicos, censuisse de politia ecclesiastica. Tum, Proceres & populum continere solitos in officio clerum.

III. Hunc coactum obtinebant Episcopi Galliani, quos Italias artes eludere definaverant. Probatur ex iis quo in urbe Biurigeni contigerunt anno 1226. apud Matthaeum Parisium.

I. PRÆCIPUA horum conventuum cura erat, videre ne praetextu novitatum quæ in politiam ecclesiasticam introducebantur, quid detimenti caperent antiqua Regis & Ecclesie Gallicane jura. Ea autem erat temporum illorum cautio, ut quoniam deliberatio fieri debebat à corpore Concilij, causarum definitio non permetteretur solis Episcopis, quos jam Vaticani fulmina terruerant, sed magnatum etiam regni sententia adjungeretur, qui personarum ecclesiasticarum corpus compellebant aquitatis rationem habere. Coactus enim ille & efflagitatio laicorum justam Episcopis causam subministrabat, qua se apud Summum Pontificem excusare possent, cum se accommodaverint ad eorum voluntatem. Sed tamen id aliquo exemplo probandum est. Extant autem duo valde illustria. Primum petitur ex Ivone Episcopo Carnotensi: qui ad Paschalem secundum Papam scribens circa annum M C V I I . narrat quid actum fuisset in Curia seu Parlamento quod Rex Philippus primus in festo Natalis Domini habuerat apud urbem Aurelianensem. Agebatur de restitutione Radulfi Archiepiscopi Remensis, ejusque Ecclesie possessione adjudicanda Gervasio. Negotium autem illud Ivo valde urgebat apud Regem. Is verò confessit ut Radulfus se sisteret Curia mox habenda, in qua agitari posset hoc negotium cum proceribus regni. *Adquievit tandem pre-^{Ivo ep. 158.} cibus nostris, inquit Ivo, & concessit ut cum ad Curiam suam, que Aurelianis in Natali Domini congreganda erat, securè adduceremus, & ibi cum eo & cum Principibus regni de hoc negotio, quantum fieri posset salva regni integritate.*

O o ij